



Crna Gora
Ministarstvo vanjskih poslova
Generalni direktorat za bilateralne poslove

Adresa: Stanka Dragojevića 2
81000 Podgorica, Crna Gora
tel: +382 416 341
fax: +382 20 225 702
www.gov.me/mvp

Br:

8. jul 2025.

Predlog

PLATFORMA

za prisustvo delegacije Vlade Crne Gore, koju predvodi potpredsjednik Vlade za međunarodne odnose i ministar vanjskih poslova mr Ervin Ibrahimović, obilježavanju 30. godišnjice genocida u Srebrenici, Potočari, Bosna i Hercegovina, 11. jul 2025.

Delegacija Vlade Crne Gore, predvođena potpredsjednikom Vlade za međunarodne odnose i ministrom vanjskih poslova mr **Ervinom Ibrahimovićem**, će 11. jula 2025. prisustvovati obilježavanju 30. godišnjice genocida u Srebrenici, koja će se održati u Potočarima, Bosna i Hercegovina, na poziv ministra vanjskih poslova Bosne i Hercegovine **Elmedina Konakovića**.

Generalna skupština Ujedinjenih nacija je na sjednici 23. maja 2024. usvojila Rezoluciju kojom se 11. jul proglašava Međunarodnim danom komemoracije i sjećanja na genocid u Srebrenici. Crna Gora je na pomenutoj plenarnoj sjednici GS UN glasala za usvajanje Rezolucije, čime je još jednom potvrđen nedvosmislen stav naše države kojim se osuđuje negiranje genocida u Srebrenici i veličanje ratnih zločina počinjenih na teritoriji bivše Jugoslavije.

Skupština Crne Gore je još u julu 2009. usvojila Deklaraciju o prihvatanju Rezolucije Evropskog parlamenta (EP) o Srebrenici, kao jedna od prvih država koja je to učinila, nakon što je pomenutu Rezoluciju usvojio Evropski parlament, dok je 17. juna 2021. Skupština usvojila Rezoluciju o genocidu u Srebrenici u kojoj se „potvrđuje da se genocid dogodio na tlu Evrope nakon Drugog svjetskog rata u kojem je stradalo preko 8.000 civila bošnjačke nacionalnosti.“ Rezolucijom se, takođe, osuđuju „pokušaji pripisivanja odgovornosti ili krivice srpskom, bošnjačkom, hrvatskom ili bilo kojem drugom narodu za genocid, zločine protiv čovječnosti ili druge zločine, jer odgovornost može biti isključivo individualna, a nijedan narod ne može biti označen kao genocidan ili zločinački“.

Prisustvo delegacije Vlade komemoraciji je prilika da se u ime države Crne Gore oda pijetet žrtvama genocida na tlu Evrope nakon Drugog svjetskog rata i pozove na mir i dijalog.

Suočavanje sa prošlošću je od suštinske važnosti za pomirenje, dalji napredak regiona Zapadnog Balkana i njegovo stremljenje ka prosperitetnijem društvu razvijenih demokratija. Odavanjem počasti žrtvama genocida u Srebrenici, Crna Gora pokazuje svoju privrženost tekovinama antifašizma na čijim temeljima je izgrađena moderna crnogorska državnost i na taj način potvrđuje svoje mjesto među državama koje baštine univerzalne civilizacijske vrijednosti.

Značaj posjete

Delegacija Vlade Crne Gore, koju predvodi potpredsjednik Vlade za međunarodne odnose i ministar vanjskih poslova mr **Ervin Ibrahimović**, će prisustvom obilježavanju 30. godišnjice genocida u Srebrenici potvrditi privrženost Crne Gore civilizacijskim i demokratskim vrijednostima koje, u kontekstu sve glasnije revizionističke retorike na međunarodnoj političkoj sceni, konstantno treba isticati i braniti, u cilju uspostavljanja dugotrajnog mira i razumijevanja među državama i narodima, kako se slični zločini ne bi nikad više ponovili.

Sastav delegacije

Delegaciju Vlade Crne Gore će na obilježavanju 30. godišnjice u Srebrenici predvoditi potpredsjednik Vlade za međunarodne odnose i ministar vanjskih poslova mr **Ervin Ibrahimović**. Članovi delegacije će biti:

- **Naida Nišić**, ministarka rada i socijalnog staranja;
- **Admir Šahmanović**, ministar energetike i rudarstva;
- **Damir Gutić**, ministar socijalnog staranja, brige o porodici i demografije;
- **Mirsad Azemović**, ministar dijaspore;
- **Majda Adžović**, ministarka javnih radova;
- **Marash Dukaj**, ministar javne uprave;
- **Fatmir Gjeka**, ministar ljudskih i manjinskih prava
- **Milutin Butorović**, ministar bez portfelja;
- **Satka Hajdarpašić**, otpravnica poslova a.i. u Ambasadi Crne Gore u Bosni i Hercegovini;
- **Naim Gjokaj**, državni sekretar Ministarstva javne uprave;
- **Dino Tutundžić**, državni sekretar Ministarstva energetike i rudarstva;
- **Mirsad Ćatović**, sekretar Ministarstva energetike i rudarstva.

Troškove boravka za potpredsjednika Vlade i ministra vanjskih poslova mr Ervina Ibrahimovića, kao i za ostale članove delegacije iz Ministarstva vanjskih poslova snosi Ministarstvo vanjskih poslova.

Troškove boravka za svoje članove delegacije snosiće Generalni sekretarijat Vlade, Ministarstvo rada i socijalnog staranja, Ministarstvo energetike i rudarstva, Ministarstvo socijalnog staranja, brige o porodici i demografije, Ministarstvo dijaspore, Ministarstvo javne uprave, Ministarstvo ljudskih i manjinskih prava i Ministarstvo javnih radova.